

CONSELLERÍA DE POLÍTICA TERRITORIAL, OBRAS PÚBLICAS E VIVENDA

Orde do 21 de xullo de 2003 pola que se lle outorga a aprobación definitiva á modificación puntual das normas subsidiarias do Concello das Pontes de García Rodríguez, relativa ó equipamento escolar no poboado das Veigas.

O planeamento urbanístico vixente no municipio das Pontes de García Rodríguez son as Normas Subsidiarias Municipais de Planeamento aprobadas definitivamente en data 9 de decembro de 1985.

O Concello das Pontes de García Rodríguez formula unha modificación puntual das normas subsidiarias vixentes que ten por obxecto a recualificación dunha parcela de solo urbano do Poboado das Veigas (actualmente vivenda unifamiliar) duns 425 m² de superficie a equipamento docente público (gardería), anexándoa á colindante de 1.260 m² de superficie, cualificada esta como equipamento e onde existe xa a gardería municipal, todo isto co fin de ampliala escola infantil municipal. Establécese unha ordenanza específica para a parcela resultante.

O obxecto da modificación dá cumprimento ó sinalado no artigo 94 da Lei 9/2002, de ordenación urbanística e protección do medio rural de Galicia, respecto dos fundamentos das modificacións do planeamento urbanístico.

De conformidade co sinalado no artigo 93.4º da Lei 9/2002, as modificacións de calquera dos elementos dos plans, proxectos, normas e ordenanzas suxeitaranse ás mesmas disposicións enunciadas para a súa tramitación e aprobación.

Terminada a fase de elaboración da modificación puntual, e inmediatamente antes da súa aprobación inicial, o concello remite o expediente ó informe preceptivo desta consellería, que foi emitido en data 13-3-2003, de conformidade co disposto polo artigo 85.1º da Lei 9/2002.

O Pleno da Corporación, en sesión do 11 de abril de 2003 acordou a aprobación inicial da modificación puntual, que posteriormente foi sometida á información pública polo prazo dun mes mediante anuncio publicado no *Diario Oficial de Galicia* de data 16-4-2003 e nos xornais *Diario de Ferrol* e *La Voz de Galicia* de datas 15 e 16 de abril de 2003 e 16 e 17 de abril de 2003, respectivamente.

No expediente constan os informes emitidos polo arquitecto técnico municipal e polo secretario municipal, en datas 8 e 9 de abril respectivamente, informes nos que manifestan a conformidade da modificación puntual proposta coa lexislación vixente e a calidade técnica da ordenación proxectada.

O Pleno da Corporación, en sesión do 23 de maio de 2003, acordou aprobar provisionalmente o

proxecto de modificación puntual, remitíndoo a esta consellería para a súa aprobación definitiva.

De conformidade co disposto polo artigo 89.1º da Lei 9/2002, do 30 de decembro, de ordenación urbanística e protección do medio rural de Galicia, a competencia para a aprobación definitiva dos plans xerais de ordenación municipal correspóndelle ó conselleiro competente en materia de urbanismo e ordenación do territorio.

En consecuencia, de conformidade co establecido na Lei 9/2002, do 30 de decembro, de ordenación urbanística e protección do medio rural de Galicia, e por proposta da Dirección Xeral de Urbanismo, vistos os informes xurídico e técnico do Servizo de Urbanismo e Inspección Territorial da Coruña, de datas 19 de xuño e 24 de xuño, respectivamente,

DISPONGO:

Artigo 1º

Apróbase definitivamente a modificación puntual das normas subsidiarias municipais do concello das Pontes de García Rodríguez, relativa ó equipamento escolar no poboado das Veigas.

Artigo 2º

De conformidade co disposto polos artigos 92 da Lei 9/2002, e 70 da Lei 7/1985, do 2 de abril, reguladora das bases de réxime local, o concello deberá publica-la normativa e ordenanzas do plan aprobado definitivamente no BOP.

Disposición derradeira

Contra esta orde cabe interpoñer recurso contencioso-administrativo ante a sala correspondente do Tribunal Superior de Xustiza de Galicia, no prazo de dous meses contados desde o día seguinte ó da súa publicación, segundo dispoñen os artigos 10 e 46 da Lei 29/1998, do 13 de xullo, reguladora da xurisdicción contencioso-administrativa.

Santiago de Compostela, 21 de xullo de 2003.

Alberto Núñez Feijóo

Conselleiro de Política territorial, Obras Públicas e Vivenda

CONSELLERÍA DE EDUCACIÓN E ORDENACIÓN UNIVERSITARIA

Decreto 327/2003, do 24 de xullo, polo que se fixan os prezos correspondentes ós estudos conducentes á obtención de títulos oficiais no ensino universitario para o curso 2003/2004.

A Lei orgánica 6/2001, do 21 de decembro (BOE do 24 de decembro), de universidades, establece

no seu artigo 81.3º b) que lle corresponde á Comunidade Autónoma fixa-las taxas académicas polos estudos conducentes á obtención de títulos oficiais no ensino universitario, dentro dos límites que a nivel estatal ten que establece-lo Consello de Coordinación Universitaria. Para os restantes estudos serán fixados polo Consello Social, artigo 81.3º c) da respectiva universidade.

O Real decreto 1754/1987, do 18 de decembro (BOE do 19 de xaneiro de 1988, DOG do 17 de febreiro de 1988), traspásalle á Comunidade Autónoma de Galicia as competencias e servicios en materia de universidades.

A Lei 8/1989, do 13 de abril (BOE do 15 de abril), de taxas e prezos públicos, outórgalles ás referidas taxas a consideración de prezos públicos, asumindo os supostos de feito e dualidade de réximes contidos no artigo 81.3º b) da antes citada Lei orgánica 6/2001. Pola súa parte a Lei 13/1991, do 9 de decembro (DOG do 13 de decembro) de taxas, prezos e exaccións reguladoras da Comunidade Autónoma de Galicia, establece no seu artigo 9.3º que se entende por prezos públicos.

O Real decreto 1497/1987, do 27 de novembro, polo que se establecen as directrices xerais comúns ós plans de estudio dos títulos de carácter oficial e validez en todo o territorio nacional (BOE nº 298 e 299, do 14 e 15 de decembro), establece no seu artigo 10 que os plans de estudio correspondentes a títulos oficiais, unha vez aprobados, serán homologados polo Consello de Universidades; sen embargo, a homologación dos ditos plans de estudio só producirá efectos para a impartición das súas ensinanzas, no caso de que supoña incremento da subvención orzamentaria se conta coa oportuna autorización da Comunidade Autónoma.

Neste contexto normativo, e dada a consideración de prezos públicos para os servicios académicos, este decreto fixa os importes que pagarán os alumnos polos estudos conducentes á obtención de títulos oficiais no ensino universitario, actualizando as tarifas vixentes no curso pasado e distinguindo entre prezos correspondentes a plans de estudos reformados e prezos correspondentes a plans de estudos aínda sen axustar ás directrices da reforma dos títulos universitarios.

No uso das súas competencias, o Consello de Coordinación Universitaria, na sesión da súa comisión de coordinación do 17 de xuño de 2003 (BOE nº 146, do 19 de xuño), fixou, para o curso 2003-2004, o límite mínimo de aumento dos prezos académicos e demais dereitos polos estudos conducentes á obtención de títulos universitarios oficiais na porcentaxe de incremento do IPC, definido no período que vai do 30 de abril de 2002 ó 30 de abril de 2003, e o límite máximo no IPC incrementado en 4 puntos.

Tendo en conta as previsións macroeconómicas xerais para Galicia, e a distinción entre ensinanzas

renovadas e non renovadas, así como a diferenza entre o prezo da 1ª e 2ª matrícula fronte ó prezo da 3ª e sucesivas matrículas (Decreto 263/1993, do 28 de outubro), e ó abeiro do establecido no artigo 12 da Lei de Galicia 13/1991, do 9 de decembro (DOG do 13 de decembro), de taxas, prezos e exaccións reguladoras da Comunidade Autónoma de Galicia, cómpre fixa-los prezos correspondentes ó ano académico 2003-2004 polos estudos universitarios conducentes a títulos oficiais, incrementando os prezos do curso pasado na contía correspondente á suba do IPC estatal determinado entre o 30 de abril de 2002 e o 30 de abril de 2003 máis 0,9 puntos (é dicir, o 4%).

Por todo o que antecede, en virtude das atribucións que me confire a Lei 11/1988, do 20 de outubro, de reforma da Lei 1/1983, do 22 de febreiro, reguladora da Xunta e do seu presidente, por proposta do conselleiro de Educación e Ordenación Universitaria, oídos os rectores das universidades galegas e logo de deliberación do Consello da Xunta de Galicia na súa reunión do día vinte e catro de xullo de dous mil tres,

DISPÓÑO:

Artigo 1º

1. Os prezos que se pagarán no curso 2003/2004 polos estudos conducentes á obtención de títulos oficiais no ensino universitario nas tres universidades públicas galegas, serán os establecidos segundo as normas deste decreto na contía que se sinala no anexo deste.

2. O importe dos prezos por estudos conducentes a títulos ou diplomas que non teñan carácter oficial será fixado nas universidades galegas polo seu respectivo Consello Social, de conformidade co establecido no artigo 81.3º c) da Lei orgánica 6/2001, de universidades.

3. De cara ós prezos públicos diferéncianse neste decreto as ensinanzas renovadas das ensinanzas non renovadas.

Ensinanzas renovadas son as que corresponden ós estudos conducentes á obtención de títulos de carácter oficial e validez nacional establecidos polo Goberno, con carácter oficial e validez en todo o territorio nacional para os que as universidades galegas teñan plans de estudos homologados polo Consello de Universidades ó abeiro do decreto de directrices xerais propias do título de que se trate.

Ensinanzas non renovadas son as que corresponden ós estudos conducentes á obtención de títulos de carácter oficial e validez nacional non incluídas no punto anterior ou que, estando incluídas nel, responden a normativas de plans de estudos anteriores ás directrices xerais propias do título de que se trate e estean homologados polo Consello de Universidades.

Artigo 2º.-Das ensinanzas non renovadas.

1. Os prezos establecidos nos números 1, 3 e 5 da tarifa primeira do anexo deste decreto poderán aboarse por curso completo ou por disciplinas. As disciplinas poderán ser anuais ou cuatrimestrais, de acordo co establecido pola universidade, en función do número de horas lectivas que figure nos plans de estudos. O importe do prezo aplicable para as disciplinas cuatrimestrais será a metade do establecido para as anuais.

2. O importe do prezo establecido para cada disciplina solta será diferente segundo que o curso ó que corresponda estea constituído por menos de sete disciplinas anuais ou por sete ou máis disciplinas anuais. Para estes efectos unha disciplina anual será equivalente a dúas cuatrimestrais.

3. Cando un alumno se matricule nunha mesma disciplina por terceira ou posteriores veces, o importe da matrícula desta verase incrementado nun 25%.

4. En calquera caso, cando un alumno se matricule en disciplinas soltas correspondentes a un mesmo curso, o importe da matrícula por satisfacer non poderá excede-lo fixado para un curso completo, agás se nalgunha das disciplinas se matriculase por terceira ou posteriores veces; e neste caso, o importe total da matrícula non poderá supera-lo prezo do curso completo, incrementado nun 25%.

5. As bonificacións correspondentes á aplicación dunha ou de varias matrículas de honra, incluídas as dos alumnos de 2º de bacharelato LOXSE, levaranse a cabo logo de face-lo cálculo do importe total da matrícula.

Artigo 3º.-Das ensinanzas renovadas.

1. No caso de ensinanzas renovadas, o importe das materias ou disciplinas calcularase de conformidade co número de créditos asignado a cada unha delas e o prezo establecido para o crédito.

2. Cando o plan de estudos especifique a carga lectiva por curso, entenderase por curso completo o número total de materias ou disciplinas, incluíndo os créditos de optativas e de libre elección asignados ó correspondente curso.

No caso de plans de estudos homologados por ciclos sen especificación por curso, o número de créditos de cada curso establecerase ó dividi-lo número total de créditos do ciclo polo número de anos que lle corresponde a este.

Cando unha parte dos créditos estea estruturada por curso e outra parte estea estruturada por ciclo, o total de créditos do curso queda identificado pola suma de créditos asignados ó curso no plan máis a parte anual de créditos do ciclo que resulte de aplica-lo criterio do parágrafo anterior.

3. Cando un alumno se matricule nunha mesma materia ou disciplina por terceira vez ou posteriores

veces, o importe do crédito correspondente á devandita disciplina verase incrementado nun 25%.

4. Os alumnos poderán matricularse por curso completo ou en disciplinas ou créditos soltos. En calquera caso, cando o alumno se matricule en disciplinas ou créditos soltos correspondentes a disciplinas ou créditos dun mesmo curso, o importe de matrícula para satisfacer polo total dos créditos non poderá excede-lo importe fixado para a matrícula correspondente ó total de créditos de cada curso, segundo a especificación do punto 2 deste artigo.

5. As bonificacións correspondentes á aplicación dunha ou de varias matrículas de honra, incluídas as dos alumnos de 2º de bacharelato LOXSE, levarase a cabo logo de face-lo cálculo do importe total da matrícula e aplicaranse ó número de créditos correspondentes á disciplina ou disciplinas nas que obtivo a matrícula de honra.

6. Os créditos correspondentes a libre elección polo estudante para a flexible configuración do seu currículo serán aboados de acordo coa tarifa establecida para a titulación que se pretende obter, con independencia do departamento ou centro onde se cursen os ditos créditos. No concepto de curso completo entenderanse incluídos os créditos de libre elección que lle correspondan de acordo co punto 2 deste artigo.

Artigo 4º

1. O importe dos cursos ou seminarios de cada programa de doutoramento calcularase de acordo co número de créditos asignados a cada curso ou seminario, tendo en conta o prezo establecido para cada crédito. Para estes efectos, o importe do crédito fíxase tomando como referente a relación entre o prezo medio dun curso académico determinado segundo o establecido nos artigos 2º e 3º do presente decreto e o conxunto de 16 créditos por ano de doutoramento.

Os créditos correspondentes ós cursos de doutoramento serán aboados de acordo coa distinción de titulacións que se fai na tarifa primeira (1.1 e 3.1) tendo en conta a titulación coa que está relacionada o contido fundamental do programa de doutoramento.

Artigo 5º

1. En todo caso, o dereito a exame e a avaliación correspondente das disciplinas ou, se é o caso, créditos nos que se estivese matriculado estará limitado polas incompatibilidades académicas derivadas dos plans de estudos, ou das establecidas, se é o caso, polo Consello de Goberno de cada universidade para aqueles plans de estudos nos que non estivesen fixadas previamente.

2. O exercicio das posibilidades de matrícula derivadas dos artigos anteriores non obrigará á modificación do réxime de horarios xerais, que foi determinado en cada centro, de acordo coas necesidades docentes dos seus plans de estudos.

3. Non obstante o establecido nos artigos anteriores, aqueles alumnos que empecen os seus estudos deberán matricularse do total dos créditos correspondentes á carga lectiva asignada ó primeiro curso no plan de estudos. No caso de que o plan de estudos non fixese referencia explícita ó mínimo de créditos que corresponden ó primeiro curso, entenderase a obriga segundo o establecido no punto 2 do artigo 3º para as ensinanzas renovadas. No caso de ensinanzas non renovadas, entenderanse con referencia á totalidade das materias correspondentes á carga lectiva que o plan de estudos asigna ó primeiro curso. Todo isto, salvo que se producese validación ou adaptación (segundo anexo I do Real decreto 1267/1994, do 10 de xuño, BOE nº 275), de materias do devandito primeiro curso, e neste caso non se terá en conta esta limitación, podendo o alumno matricularse de materias non vinculadas ó primeiro curso.

Artigo 6º

1. Os alumnos dos centros adscritos e os que obtían a validación de cursos completos ou de disciplinas soltas por razóns de estudos realizados en centros nacionais non estatais ou en centros estranxeiros aboaranlle á universidade o 25% dos prezos establecidos nos números 1, 2, 3, 4 e 5 da tarifa primeira do anexo, sen prexuízo do establecido no correspondente convenio. Os demais prezos aboaranse na contía íntegra prevista.

2. Pola adaptación de estudos realizados en centros estatais non se aboarán prezos, agás se a validación é para a obtención doutro título académico. O prezo neste caso será do 25% dos prezos establecidos no anexo.

Artigo 7º

De conformidade co establecido no artigo 3.1º do Real decreto 2298/1983, do 28 de xullo (BOE do 27 de agosto), polo que se regula o sistema de bolsas e outras axudas ó estudio de carácter personalizado, os alumnos que reciban unha bolsa de estudos con cargo ós orzamentos xerais do Estado non estarán obrigados a paga-lo prezo polos servizos académicos.

Os alumnos que no momento de formalizaren a matrícula se acollan á exención de prezos por teren solicitada a concesión dunha das bolsas de estudos xerais convocadas polo MECED e ós que, posteriormente, non se lles concedese esta, polo que resultaría que o alumno non tería dereito á axuda establecida de matrícula, estarán obrigados ó aboamento do prezo correspondente á matrícula que fixeron. Non aboa-lo pagamento producirá automaticamente a anulación da dita matrícula en tódalas disciplinas.

Artigo 8º

No caso das disciplinas de plans de estudos con dereito a exame pero nas que non se imparte xa docencia, pagarase por crédito ou disciplina, segundo corresponda, o 25% dos prezos da tarifa ordinaria.

Disposición derradeira

Este decreto entrará en vigor o día seguinte ó da súa publicación no *Diario Oficial de Galicia*.

Santiago de Compostela, vinte e catro de xullo de dous mil tres.

Manuel Fraga Iribarne
Presidente

Celso Currás Fernández
Conselleiro de Educación e Ordenación Universitaria

ANEXO

Tarifa primeira.-Estudios nas facultades e escolas técnicas superiores en calquera dos seus ciclos (incluídos os cursos de adaptación para o acceso de titulados polas escolas universitarias e facultades e escolas técnicas superiores), e nas escolas universitarias.

1. Estudos de ensinanzas non renovadas conducentes ós títulos de licenciado en farmacia, bioloxía, matemáticas, ciencias e tecnoloxía dos alimentos, física, medicina, odontoloxía, veterinaria, ciencias (incluídas as constituídas conforme o Decreto 1975/1973, do 26 de xullo), informática, terapia ocupacional, ciencias do mar, belas artes; de arquitecto e enxeñeiro; de arquitecto técnico ou de enxeñeiro técnico; diplomado en enfermería, fisioterapia, informática, óptica e optometría, licenciado e diplomado en mariña civil, e licenciado en ciencias da actividade física e do deporte e aquelas outras denominacións de titulacións universitarias homologadas con estas.

1.1. Por curso completo: 646,29 €.

1.2. Por disciplinas soltas:

a) Disciplina anual correspondente a un curso de menos de sete disciplinas anuais en primeira e segunda matrículas: 168,03 €.

b) Disciplina anual correspondente a un curso de menos de sete disciplinas anuais, en terceira e sucesivas matrículas: 210,05 €.

c) Disciplina anual correspondente a un curso de sete ou máis disciplinas anuais en primeira e segunda matrículas: 111,22 €.

d) Disciplina anual correspondente a un curso de sete ou máis disciplinas anuais, en terceira e sucesivas matrículas: 139,03 €.

2. Estudos de ensinanzas renovadas conducentes a títulos especificados no número 1 homologadas polo Real decreto 1954/1994, de homologación de títulos ós do catálogo de títulos universitarios oficiais.

-En primeira e segunda matrículas, por cada crédito: 10,77 €.

-En terceira ou sucesivas matrículas, por cada crédito: 13,46 €.

3. Outros estudos de ensinanzas non renovadas conducentes a títulos oficiais do primeiro e segundo ciclo, distintos dos especificados no número 1.

3.1. Por curso completo: 456,46 €.

3.2. Por disciplinas soltas:

a) Disciplina anual correspondente a un curso de menos de sete disciplinas anuais en primeira e segunda matrículas: 116,40 €.

b) Disciplina anual correspondente a un curso de menos de sete disciplinas anuais, en terceira e sucesivas matrículas: 145,50 €.

c) Disciplina anual correspondente a un curso de sete ou máis disciplinas anuais en primeira e segunda matrículas: 77,59 €.

d) Disciplina anual correspondente a un curso de sete ou máis disciplinas anuais, en terceira e sucesivas matrículas: 97 €.

4. Estudos de ensinanzas renovadas conducentes a títulos oficiais de 1º e 2º ciclo distintos dos especificados no número 1 homologadas polo Real decreto 1954/1994, de homologación de títulos ós do catálogo de títulos universitarios oficiais.

-En primeira e segunda matrículas, por cada crédito: 7,61 €.

-En terceira e sucesivas matrículas, por cada crédito: 9,51 €.

5. Estudos conducentes ó título de doutor:

a) Conducente a un título de doutor con denominación correspondente a un dos títulos especificado na tarifa primeira, 1 e 2, por cada crédito: 40,44 €.

b) Conducente a un título de doutor con denominación correspondente a un dos títulos da tarifa primeira, 3 e 4, por cada crédito: 28,54 €.

Tarifa segunda.-Expedición de títulos académicos:

1. Doutor: 148,77 €.

2. Licenciado, arquitecto ou enxeñeiro: 100,03 €.

3. Diplomado, arquitecto técnico ou enxeñeiro técnico: 48,84 €.

4. Expedición e impresión de duplicados de títulos universitarios oficiais: 22,83 €.

Tarifa terceira.-Probas de aptitude para acceso á universidade: 51,73 €.

Tarifa cuarta.-Certificado de aptitude pedagóxica (inclúense tódolos cursos): 151,36 €.

Tarifa quinta.-Exame de grao.

1. Proxectos de fin de carreira: 95,13 €.

2. Exame para o grao de licenciado: 95,13 €.

3. Exame para o grao de doutor: 95,13 €.

Tarifa sexta.-Curso de iniciación e orientación para maiores de 25 anos: 77,19 €.

Tarifa sétima.-Estudios de especialidades en áreas das ciencias da saúde:

1. Estudos de especialidades médicas que non precisen formación hospitalaria do parágrafo 3º do anexo do Real decreto 127/1984, do 11 de xaneiro, en unidades docentes acreditadas, por cada crédito: 26,14 €.

2. Estudos de especialidades en enfermería en unidades docentes acreditadas, consideradas no Real decreto 992/1987, do 3 de xullo, por cada crédito: 6,67 €.

3. Estudos das especialidades de farmacia, análises clínicas, en escolas profesionais recoñecidas segundo o Real decreto 2708/1982, do 15 de outubro, por cada crédito: 26,14 €.

Tarifa oitava.-Validación de disciplinas para a obtención doutro título ou de estudos realizados en centros nacionais non estatais ou estranxeiros, o 25% do que corresponde ós prezos establecidos nos números 1, 2, 3, 4 e 5 da tarifa primeira.

Tarifa novena.-Obtención, por validación, de títulos de diplomados das escolas universitarias:

1. Por avaliación académica e profesional conducente á devandita validación: 95,13 €.

2. Por traballos esixidos para a dita validación: 158,43 €.

Tarifa décima.-Proba de conxunto para homologación de títulos estranxeiros de educación superior: 94,68 €.

Tarifa décimo primeira.-Secretaría:

1. Pola apertura de expediente académico ó comenza-los estudos nun centro, certificación académica e traslados de expediente académico: 18,13 €.

2. Pola expedición e o mantemento de tarxetas de identidade: 3,89 €.

Tarifa décimo segunda.-Cursos e exame de reválida/tese de licenciatura nas escolas sociais: 95,13 €.

Orde do 21 de xullo de 2003 pola que se autoriza a posta en funcionamento do Instituto de Educación Secundaria de Bouzas, do concello de Vigo (Pontevedra).

O Decreto 305/2003, do 26 de xuño (DOG do 18 de xuño), crea o Instituto de Educación Secundaria de Bouzas do concello de Vigo (Pontevedra).

En consecuencia, esta consellería, de conformidade co establecido no artigo 1 do Decreto 213/1998, do 10 de xullo (DOG do 23 de xullo), e por proposta